

Gvangjsih Minzczu Bau

Cawjguenj: Gvangjsih Bouxcuengh Swcigh Minzczu Cunghgyau Swvu Veijyenzvei Cawjbanh: Gvangjsih Minzczu Bause Geiz neix 8 banj
Aenhauh okbanj: CN45-0036 B.2024 Nd.3 Ng.20 Liggaeuq gyapsaenz nienz ndwenngaih cib 'it Geizsoq: Gungh daih 3614 geiz

Aen Hoih Yaenglwnh Hong Laebbaenz Gvangjsih Couqmaenh Gij Eiqsik Caezcaemh Cunghvaz Minzczu Yenzgiuvei Youq Nanzningz Hai

3 nyied 15 hauh, Aen Hoih Yaenglwnh Hong Laebbaenz Gvangjsih Couqmaenh Gij Eiqsik Caezcaemh Cunghvaz Minzczu Yenzgiuvei youq Nanzningz hai. Swcigh Dangjvej suhgi Liuz Ningz, Gvangjsih Couqmaenh Gij Eiqsik Caezcaemh Cunghvaz Minzczu Yenzgiu Gunghcoz Lingjdauj Siujcuj cujjang Liuz Ningz bae vah.

Liuz Ningz cukhoh yenzgiuvei laebbaenz. De naeuz, Siz Ginbingz cungjsuhgi daegbied gangj daengz, couqmaenh gij eiqsik caezcaemh Cunghvaz Minzczu dwg gij "gang" hong minzczu dangj seizdaih moq. Laebbaenz Gvangjsih Couqmaenh Gij Eiqsik Caezcaemh Cunghvaz Minzczu Yenzgiuvei, dwg haeujlaeg gvancez doeksaed Siz Ginbingz cungjsuhgi gij

swhsiengj youqgaenj gvendaengz gyagiengz caeuq gajndeih hong minzczu caeuq gij fanghloz iugouz naeuz Gvangjsih, gij banhfap youqgaenj hwnqguh aen gih guhyiengh couqmaenh gij eiqsik caezcaemh Cunghvaz Minzczu. Maqmuengh yenzgiuvei dingjmaenh aen aen swhsiengj sevei cuji miz daegsaek Cungguek seizdaih moq Siz Ginbingz guh dazyinx, cietsaed guh ndei cujiz hezdiuz, diucaz yenzgiu, lijlun yenzgiu, yaenglwnh yozsuz, senhconz gyauyuz daengj cizcwz, haenqrengz gyagiengz hwnqguh yozgoh caeuq hwnqguh aen doih yenzgiu, laebdin saehsaed Gvangjsih, doik gij yenzgiu cwnzgogj ndei saed engq miz faenhliengh, miz gyaciz, miz daegsaek, gunghawj gezcwz camcaz caeuq hag-

leix haeujcoengh rengzrwd hawj gih raeuz hwnqguh aen gih guhyiengh couqmaenh gij eiqsik caezcaemh Cunghvaz Minzczu. Daengx gih gak gaep gak bouhmonz yaek dingjmaenh aen couqmaenh gij eiqsik caezcaemh Cunghvaz Minzczu guh gaj sienqmeh gak hangh hong, caezhoz caez rengz hwnqguh aen gih guhyiengh couqmaenh gij eiqsik caezcaemh Cunghvaz Minzczu, gyamaenh hwnqfat aen gizmen ndei gak cuz bouxminz doxgiet buekguh.

Aen hoih daegbied gangj daengz, guh couqmaenh gij eiqsik caezcaemh Cunghvaz Minzczu lijlun yenzgiu dwg gij aeuyungh gaenjgip fungfouq caeuq hwnqfat minzczu lijlun dangj seizdaih moq, hix dwg gij ngeihleix wnggai miz gih raeuz doicaenh hwnqguh aen gih

guhyiengh couqmaenh gij eiqsik caezcaemh Cunghvaz Minzczu. Yenzgiuvei aen dingjmaenh soujcingq cauhoq, dawzcinj yenzgiu fuengyiengq caeuq cungdenj, laebcaez hwnqguh yozgoh dijhi, yozsuz dijhi caeuq vahgangj dijhi, yungh yenzgiu lijlun suijsingz sang fugsach hwnqguh aen gih guhyiengh couqmaenh gij eiqsik caezcaemh Cunghvaz Minzczu. Aen giengzvaq cujiz baujjang, youq cujiz lingjdauj, guhhong cidu, hwnqguh aen doih daengj fuengmienh gyagiengz hwnqguh yenzgiuvei, ok dungxcaiz caeuq rengz doicaenh hwnqfat ndei saed hong minzczu dangj gih raeuz seizdaih moq.

(Liuz Li daij «Gvangjsih Yizbau» aen daeuj hoiz)

Bingzgoj Banh Aen Ban Son Raiz Faenzcieng Sawcuengh Mbouj Aeu Cienz

3 nyied 15 hauh, Bingzgoj Si Vwnzlenz geiz daihngaih aen ban son raiz faenzcieng Sawcuengh mbouj aeu cienz cingqsi hai lo. 35 boux beixnuengx gyaeh hag Sawcuengh daeuj caeuqfaenh, miz beixnuengx dangdieg, Lungzanh, Dava, Denhdwngj, Denzdungh, Dwzbauj daengj. Ciuq cam rox, baez neix son Sawcuengh daij 3 nyied 15 hauh hainduj, daengz 5 nyied 20 hauh sat, guh 8 aen singhgiz, moix aen singhgiz ngoenz singhgiz roek caeuq ngoenz singhgiz banhaemh son. Ndaw doz dwg mwh hainduj hai ban.
(Vangz Lizboh/黄立波)



Bineix Gvangjsih Youq Gwnz Roengauhsuz Yaek Guh Moq 800 Aen Donghcungdienh

Mboengqneix, gicej cam miz-gven bouhmonz roxyiuj, bineix, Gvangjsih roengauhsuz cungjlijcwnz yaek ndaej cungbyoengq 1 fanh goengleix, yaek guh moq 800 aen donghcungdienh.

"Gaxgonq hai ci nwngzienz moq hwnj gauhsuz, ceiq lau cungdienh baizdoih, seizneix gyalai baenzneix lai donghcungdienh, ndaej noix haujlai seizgan." Mboengqneix, naeuz daengz gij bienqvaq youq gwnz

roengauhsuz cungdienh, bouxhaici Luz Nganz ciengzseiz youq G80 Gvangjgunh Gauhsuz hai ci haenx miz gamjsiengj lailang. Gaxgonq Gvangjgunh Gauhsuz Hwngzcouh Fuzvugih ngamq miz 8 aen donghcungdienh, baez daengz ngoenzciet, ci nwngzienz moq baizdoih cungdienh rim liux. Bi 2023, Hwngzcouh Fuzvugih gyalai 28 aen donghcungdienh, ndaej gajgez aen nanzdaez ci nwngzienz moq cungdienh

hoj ndeindi. Gaenh geij bi neix daeuj, Swcigh Gyauhdungh Yinsuhdingh caeuq mizgven bouhmonz dazyinx gak gauhsuz goengloh gingyingz guenjieix danhvei, gyagiengz caeuq dienhuengx giyez, canghguenjuh cungdienh doxgap, gyalai youq gwnz roen gauhsuz guh gaj donghcungdienh.

Daengz seizneix, daengx gih aen fuzvugih roengauhsuz gungh hwnqbaenz diegdienhcamh 393 aen,

hwnqbaenz donghcungdienh 4170 aen. Caemhseiz, Gvangjsih lij hwnqbaenz Ginhcouhsih Fuzvugih, Camhsoufeiq Caetsing Gveilinz song aen camhcungdienh ciugaep cenzyezlwnj, riengjret cungdienh hawj ci nwngzienz moq, hawj boux hai ci nwngzienz moq youq gwnz roengauhsuz mbouj you dienh mbouj gaeuq hai.

(Vangz Yenjlaz Veiz Nen daij «Gvangjsih Yizbau» aen daeuj hoiz)